

## No Pētri Pētri

No Pētri Pētri, kuo to snaudi –  
Jog bovuom sosētāre pēnkta!..  
Gal pri šērdies jau kēta glaudi –  
Mon ruods, kad tāva meilē mēnka.

Aš tavi mīlo nu sekminiu,  
Kada žīdieje suodne slīvā.  
Jog mōna meile ne ledine!..  
I kuokēj če gal būti dīvā?!

To gražē šneki, meilē šīpsā,  
Arčiau pri sāves moni trauki.  
Bet ontra vākara če stīpsau,  
Vo tāves negalio solaukte.

Gal pas Aguote mēni tāka?..  
Nemēslik – žmuonis mon pasāka!..

Bet kažkuo krūmā sošlamieje  
Ēr žingsnē pasēgērda retā.  
Galbūt Petrēlis atskubieje?..  
Aš biego pasētēktē grētā.

Ēr tekrā – Pētris atskobiejes,  
Nuoriejes išbondīt kontrībe.  
Tuoks švelnos, meilos, pagražiejes –  
Atleiso visas nedorībes.

Sāke, pasēlges kuo baisiausē –  
Be mōnes dēinas anam apkārta...  
Tad biego atgal kuo greičiausē –  
Nepabočiāva dā ni kārta.